



Ils candidats da la pbd: Stefan Darnuzer, Edith Guggelmann-Battaglia, cusseglier naziunal Duri Campell, Martha Widmer-Spreiter e Daniel Buchli (da san.).

MAD

La Partida burgais-democratica ha nominà

In cusseglier naziunal, quatter deputads ed in versà politicher communal

■ (cp) A chaschun da la radunanza da nominaziun a Scharons han ils delegads da la pbd nominà diesch candidatas e candidats per las elecziuns naziunales dals 20 d'october. Tuttas e tuts èn personalitads cumprovadas cun vastas experientschas politicas ed i derivan da las pli diversas branschas. Cun quest'ocasiun èsi plinavant vegnì prendì cumià da l'antieriura cussegliera governativa Barbara Janom Steiner. Dacurt ha nominà la pbd dal Grischun sias candidatas e ses candidats per las elecziuns naziunales dals 20 d'october e sa preparà per las tschernas vengentas. «Nus essan ina da las partidas ch'ha gi il pli grond success en las votaziuns popularas dals ultims onns», exprima Beno Niggli, il parsura la partida e manader da las tschernas, ses plaschairs apparent a chaschun da la radunanza bain frequentada. Perquai na dettia naginas raschuns che la Partida burgais-democratica sa zuppia. «Nus sentin il puls dal pievel, essan ina partida che na sa starmenta betg da metter en discussiun tut ils temas politics, e nus essan quella partida che porscha bunas soluziuns burgaisas.»

Partida populara nua che scadin è bainvegni

La pbd na saja betg la partida culpanta pertutgant la stagnaziun da refurmas. Ella na saja era betg la partida che saja s'impundida per impedir mintga refurma e veglia sfurzar noss pajais en in reudit. «La pbd è ina partida populara, en la quala mintgina e mintgin è bainvegni», di Niggli. Ella promovia soluziuns avantagiusas per l'entir chantun ed ella haja dà ina ferma tempra al chantun Grischun durant ils ultims onns.

«Lungurus, ma bagn»

Giond Niggli atras sia vischnanca nativa vegnia el magari dumandà co ch'i giaja, alura respundia el: «Lungurus, ma bagn.» Cun quest motto ha lantschà dacurt la partida naziunala la campagna elettorale 2019. Ella suttastritga da questa moda e maniera sincera ch'ella sa concentreschia vairamain sin las chaussas en sia lavur politica e na sa fetschia betg mo in spectacul politic. En il rom da la radunanza da nominaziun, a la quala era preschent er il cusseglier naziunal Martin Landolt, tutga dentant er ina sauna purziun spectacul tar il program. Niggli ha surdà il pled al deputà e politicher dals giuvenns, Ursin Widmer, ch'ha preschentà candidatas e candidats da maneira divertiva.

Sper cusseglier naziunal Duri Campell (en uffizi dals 2017 enna) figureschan sin la glista era trais deputads dal cussegl grond – e Stefan Darnuzer, in um che dispona da vastas experientschas politicas sin nivel communal. Plinavant candidescha il deputà Ursin Widmer per la partida dals giuvenns da la pbd dal Grischun. Stefan Darnuzer, che sa chatta actualmain en l'exteriur, è vegnì collià cun ina transmissiun da video.

Forzas cumprovadas per il Grischun

Cusseglier naziunal Duri Campell, 1963, candidescha per in'ulteriura perioda d'uffizi en il cussegl naziunal. Il pur e gestiunari dal campadi da Cinuos-chel era stà parsura dal cussegl grond (2014/15), deputà e president communal. Campell represchenta ils interess dals Grischuns en il cussegl naziunal dapi ils 2015. Spezialmain impurtant èn per el l'agricultura, il turissem, il provediment per ils attempads sco era la relaziun da la Svizra cun l'Europa. Plinavant è el chatschader passiuà e commember da la cumissiun dals chantuns dal cussegl naziunal, commember da la cumissiun da gestiun dal cussegl naziunal e viceparsura da l'Uniu purila grischuna. El è era president dal cussegl d'administraziun da Biestga-Grischuna SA, da Grischun Viva sco era dal cussegl d'administraziun da la Societad da sutgeras e runals Zuoz SA e da la Scuola da skis Zuoz/La Punt SA.

Stefan Darnuzer, 1970, da Saas dispona da blera experientscha sco politicher communal. Il skiunz passiuà e golfist è cun success mainafatschenta da la «Inschigniers Danuzer SA», in biro da mesiraziun, geomatica e manaschament territorial cun sedia a Tavau. Darnuzer è supstant da Saas en il ravugl da la vischnanca Clastra-Serneus. Sco interpretider e politicher è Darnuzer pertschert da la muntada dal turissem e da las fatschentas pitschnas per l'economia grischuna. Perquai s'engascha el cun persvasiun tant a favur dal turissem sco er per ils impressaris grischuns.

Edith Guggelmann-Battaglia, 1961, Seglias en Tumliastga, è deputada, commerzianta ed administratura d'immobiliarias. La Tumliastgina era avant suppleanta dal cussegl grond e supstanta da la vischnanca da Seglias. La segiraziun d'in sistem da furnaziun funcziunant a favur d'ina scolaziun fundada spezialmain stat a cor ad ella. Guggelmann è commembra da la cumissiun per educaziun e cultura, da la cumissiun da surveglianza da las

scolas medias dal Grischun e commembra dal cussegl da fundaziun da la chasa per impedids Scalottas da Scharons. Plinavant è Guggelmann gestiunaria da la pbd dal Grischun.

Martha Widmer-Spreiter, 1954, è deputada dal cussegl grond ed anteriura supstanta communal. Ella dispona d'ina profunda experientscha tant en fatgs communs sco er en la politica chantunala. La vischnanca da Cuira è commembra da la cumissiun per educaziun e cultura, dal cussegl grond evangelic sco era commembra dal colloqui da Cuira. Avant è Widmer-Spreiter stada presidenta dal cussegl da la citad da Cuira (2013) e deputada da blets onns (2011–2019). Ina politica pragmatica che s'orientescha a schliaziuns è spezialmain impurtanta per ella. Uschia s'engascha ella surtut per la furnaziun, il sanitaesser e la promoziun dal sport.

Daniel Buchli, 1963, deputà dal cussegl grond e selvicultur da revier en Stussavgia, è in ulteriur politicher cun vastas experientschas. El maina il servetsch forestal e stradal da la vischnanca da Stussavgia, è commember da la cumissiun da gestiun dal chantun Grischun e commember da la fracziun dals chatschaders dal cussegl grond. Il tiradur passiuà è apicultur, sautunz da sauts populars, chatschader e parsura da la Societad dal provediment d'aua Stussavgia-Gün-Neukirch sco era supstant da l'Uniu dals Guaisers, da la societad dal runal da Tenna, commember da la fundaziun Signia e dal cussegl consultativ dal Parc Natural Bavregn.

Glista da la pbd dals giuvenns

Cun la glista da la pbd dals giuvenns demussa la Partida burgais-democratica ch'ella posiziunescha bain pertutgant la promoziun dals giuvenns. Sin questa glista candideschan las suandantas persunas:

- Ursin Widmer, 1989, deputà e manader da la scola da Favugn
- Patrick Niederreiter, 1992, suppleant dal deputà e mandatari, Favugn
- Cindy Schnider, 1997, studenta da la giurisprudenza, Val S. Pieder
- Gian-Reto Trepp, 1989, collavuratur scientific, Cuira
- Silvan Tscholl, 1999, electronicist da multimedia en scolaziun e president da la pbd dals giuvenns dal Grischun, Domat.

Ulteriuras infurmaziuns pertutgant la glista da la pbd dals giuvenns èn da chattar sin la pagina: www.jbdp-gr.ch